

Baez Daih'it Hwnj Daiz Byaujyenj

Gveigangj Si Cinzdangz Gih Mungzgungh Cin Lingzsw Siujyoz sam (3) ban Luz Suhdingz / 陆舒婷

Bineix “ciet roekit” gou raen ciei angqyangz、vaiqvued, aenvih gou baez daih'it hwnj daiz, youq dangqnaj geij bak boux doengzhag caeuq bouxlaux byaujyenj.

5 nyied 31 hauh, hagdangz dou guh “ciet roekit” vwnzyi byaujyenj, gyoengq lauxsae caeuq doengzhag caez roengzrengz, aen vujdaiz nda ndaej ndei lo! Ngoenzhaenx, yienznaeuz fwndoeck, hoeng dou ndaej youq aen vwnzvasiz ndaw mbanj ciuqseiz byaujyenj.

Cezmuz byaujyenj aen daengz aen, doengzhag ban wng boux boux cingsaenz gvaekgvaek hwnj daiz ciengq go diuq foux, laj daiz gyoengq lauxsae doengzhag caeuq bouxlaux cungj bekwngz goksasa, ndaw ranz vwnzvasiz sing riu sing bekwngz doq roengz doq hwnj. Mwh bouxcujciz heuh daengz “cingj aen doihdiuqfoux sam (1) ban hwnj daiz byaujyenj”, gou song fwngz doxnu, roengzrengz sup gaemz heiq ndeu, doq byaij baenaj, doq cangguh simdingh、miz saenqsim dwk byaij coh cungqgyang daizheiq. Gou baez daengz cingqgyang ndwn ndei, gyoengq doengzdohi iq hix sikhaek ra ndei diegndwn swhegeij baij yiengh ndei. Gou raen gyoengq doengzhag cungj ndwn ndei le, couh vad fwngz coh yinhyangjsw, yinhyoz sikhaek couh yiengj hwnjdaeu. “Gou dwg vunz Cungguek, gou gyaek guekcoj raeuz……” Dingq daengz yinhyoz le, gou sikhaek fwngz foux ndang foux diuq hwnjdaeu. Hix mbouj rox yinhyoz miz geijlai faencung, fanjcingq gou diuq ndaej daengx ndang cungj dwg hanh lo, yinhyoz dingz le, gyoengq doengzdohi iq caeuq gou hix ngamq baij ndei aen yiengh dingz, baihlaj daizheiq gyoengq soujgih “gaca gaca” ingj mbouj dingz.

Mwh dou gungj hwet docih daihgya, gyoengq bouxlaux caeuq doengzhag hix bekwngz mbouj dingz. Gou byaij roengz daizheiq le, dingqny i gyoengq doengzhag gangjlwnh foenfoen, gyoengqde naeuz: “Aen ban neix diuq foux diuq ndaej ndeiawj lai lo, miz eiqsei, youh cingjcaez, dungcoz hix caux moq ndeiawj.” Dingq vunzlai baenzneix haenh, gou nyinhnaeuz yienznaeuz baizlien gig sinhoj, hoeng seizneix hix dij ndaej lo.

Baez daih'it hwnj daiz byaujyenj, gou caenhrengz bae guh, ndaej daihgya haenh, gou roxnyinh angqyangz vaiqlag!



▲Dou youq gwnz daiz diuq foux. (doz dwg boux lauxsae son raiz hawj)

第一次上台表演

今年“六一”国际儿童节我感到最开心、快乐，因为我第一次走上舞台，在几百个同学与家长面前表演。

5月31日，我们学校开展了一年一度的“六一”儿童节文艺汇演，在老师和同学们的共同努力下，汇演舞台布置好啦！那天虽然下雨，但是我们的文艺汇演在村里的文化室按时进行表演。

节目表演一个接着一个，各个班级的同学精神抖擞地上台唱歌跳舞，台下的同学和老师、家长不由自主地鼓掌，文化室里掌声笑声此起彼伏。当主持人叫到“请三(1)班舞蹈队上台表演”，我摩擦着双手，做了一次深呼吸，一边走在前面，一边假装镇定地、自信地向舞台中间走去。我站好中间的位置，小伙伴们也马上找到自己的位置摆好造型。我看到同学们都做好了准备，就向音响师挥挥手，接着音乐响

起。“我是中国人，我爱自己的祖国……”听到美妙的音乐，我马上挥着小手，身体有节奏地舞动起来。也不知道这首音乐是多长时间，反正我跳得满身是汗，音乐停了我和小伙伴们也踩着尾音摆好造型，台下的手机镜头“咔嚓咔嚓”拍个不停。

当我们鞠躬谢幕时，台下的老师和同学、家长们也给我们送上了阵阵掌声。我走下舞台，听到大家议论纷纷，他们说：“这个班级排练的舞蹈真好看，而且很有意义，又很整齐，动作也很有创意。”在大家的议论声中，我认为虽然我们排练非常辛苦，但是值得了。

第一次走上表演的舞台，我用了百分之百的努力，得到大家的肯定，我感到很快乐！

(lauxsae son raiz: Luz Dungh-ginz / 指导老师:陆冬群)

Hag Gwih Danci

Sangswh Yen Daihsam Siujyoz haj (2) ban Liengz Yinlingz / 梁芸菱

de caenh rox guhyiengh gwih hawj gou yawj, gangj mbouj ok gij fuengfap baenzlawz cij hag ndaej rox gwih danci. Cam de haujlai baez, de hix dan rox gaeu gyauej, mbouj rox baenzlawz gangj cij ndei.

Ngoenzneix, nanzndaej daxmeh ndaej hoengq daeu son gou hag gwih danci, gou itdingh aeu caenhsim hag, vaiq di bae caeuq nuengxbiuj doxdax mbat ndeu cijndaej.

Haidaeuz, daxmeh itcig youq baihlaeng danci rex gou, gou couh cuengqsim ciuq gij fuengfap daxmeh gangj haenx, dawz gyauej ci maenh, caij hwnj diebdin danci le, song da yawj baihnaj, haenqrengz baez caij, song loekci couh menhmenh coh naj baenq bae lo. Gou naengh youq gwnz danci, ndawsim angqvauvau. Yaep ndeu, miz daxmeh bang rex dawz, gou gingqyienz yied caij yied vaiq, couh lumj boux sug gwih nei cungfefe.

Mbouj rox dwg gou caij vaiq lai, roxnaeuz dwg daxmeh baeg lo, de gingqyienz laeglemx cuengq fwngz caih gou gag gwih lo.

Mwh gou yaek van gyauejci gwih dauqma, cij raen daxmeh youq gizgyae riunyumnyum yawj gou. Sim gou baez anj, vueng dwk song fwngz fwt unq liux. Song din mbouj gamj yungh rengz caij, gyauejci hix bibuengq hwnjdaeu, mbouj geij gyaek danci couh “dingz goeng” caij mbouj bae, gou

caeuq danci cungj laemx lo.

Daxmeh youq gizgyae riuhaaha, naeuz gou mbeiiq. Gou simfanz yaek daej, daxmeh cix nai gou, gujli gou yungh gij fuengfap haxbaenh, caiq gwih lai geij baez.


Yienghneix, gou youh cengqmbei yamq hwnj danci laebdaeb hag gwih. Hoeng, aen danci rwix neix lumj daegdaengq hangz gou nei, mbouj dwg laemx baihsuix, couh dwg ngeng baihgva, sawj gou gwih ndaej dwgrengz dangqmaz. Hoeng, mwh gou siengj daengz nuengxbiuj, couh fwt miz saenqsim lo, youq ndaw sim gag naeuz——Hw, gou aeu roengzrengz hag, itdingh mbouj yaez gvaq nuengxbiuj.

Yienghneix gou couh hwnj ci, roengz ci le, caiq hwnj ci……Baez dem baez gwih mbouj dingz, lienh baenz song diemj lai cung cij gwih ndaej swnh.

Mwh gou dingq daengz daxmeh haenh gou, ndawsim lumj gwn dangz nei diemzsis. Gij rumz cifege gvaq naj gemj henz rwz gou, gou roxnyinh vuenheij raixcaix.

Gou dauqdaej hag rox gwih danci lo! Ngoenz-neix caen dwg ngoenz daegbied youh miz eiqsei ndeu ha!

(lauxsae son raiz: Lij Sinbingz/指导老师:李信平)



Ngoenzneix, daxmeh naeuz daiq gou bae gvangjangz hag gwih danci, gou angq dwk diuq hwnjdaeu gikdoengh dangqmaz, aenvih bineix hag rox bonjsaeh neix dwg maqmuengh youqgaenj gou.

Gaxgonq bae ranz dahnax guhcaemz, gou raen nuengxbiuj iquetet cungj gamj gwih danci cunghoho, vaiqvuet youh soengsat, gou hozhaenz dangqmaz. Yienghneix, gou couh nyaenx mbouj ndaej heuh nuengxbiuj son gou gwih danci. Hoeng